

**Votaziun dal pievel dals
22 da settember 2013
Explicaziuns dal Cussegl federal**

- 1 Iniziativa dal pievel
«Gea a l'abolizun dal
servetsch militar obligatoric»**
- 2 Lescha federala davart il
cumbat cunter malsognas
transmissiblas da l'uman
(Lescha d'epidemias)**
- 3 Midada da la Lescha da lavur**



Schweizerische Eidgenossenschaft
Confédération suisse
Confederazione Svizzera
Confederaziun svizra

Davart quai vegni votà

Iniziativa dal pievel «Gea a l'abolizun dal servetsch militar obligatoric»

L'iniziativa vul abolir l'obligazion da far servetsch militar per umens. L'armada duai sa cumponer dad umens e da dunnas che fan facultativamain lur servetsch militar. Er il servetsch civil duai daventar in servetsch facultativ. Il Cussegl federal ed il parlament recumondan da refusar l'iniziativa.

Emprim
project

Infurmaziuns davart quest project

paginas 4–15

Text da votaziun

paginas 10–11

Lescha federala davart il cumbat cunter malsognas transmissiblas da l'uman (Lescha d'epidemias)

Segund
project

La Lescha d'epidemias serva ad identifitgar, ad evitar ed a cumbatter malsognas transmissiblas. Il Cussegl federal ed il parlament han repassà ed actualisà questa lescha per proteger meglier la populaziun cunter smanatschas per la sidadad. Cunter la nova lescha èsi vegnì lantschà in referendum.

Infurmaziuns davart quest project

paginas 16–23

Text da votaziun

paginas 24–49

Midada da la Lescha da lavur

Terz
project

En la Lescha da lavur stgaffescha il project la basa per ch'ils negozis da tancadi sin pausadis d'autostrada e per lung da las vias principales cun bler traffic da viadi dastgian occupar da nov il persunal di e notg. La purschida da rauba e da servetschs sto però sa drizzar en emprima lingia als basegns dals viagiaturi. Cunter questa lescha èsi vegnì lantschà in referendum.

Infurmaziuns davart quest project

paginas 50–57

Text da votaziun

pagina 58

Iniziativa dal pievel

«Gea a l'aboliziun dal servetsch militar obligatoric»

La dumonda da votaziun è la suandanta:

Vulais Vus acceptar l'iniziativa dal pievel
«Gea a l'aboliziun dal servetsch militar obligatoric»?

**Il Cussegl federal ed il parlament recumondan da refusar
l'iniziativa.**

Il Cussegl federal ha recumandà da refusar l'iniziativa cun 128 counter
57 vuschs e 4 abstensiuns, il Cussegl dals chantuns cun 32 counter
8 vuschs e 2 abstensiuns.

Il pli important en furma concisa

Tenor la Constituziun federala è oz mintga Svizzer obligà da far servetsch militar. Questa obligaziun da far servetsch militar vegn er numnada servetsch militar obligatoric. Tgi che na po betg metter d'accord il servetsch militar cun sia conscienza, fa in servetsch da cumpensaziun, il servetsch civil. Svizzers che n'han betg fatg servetsch militar, servetsch civil u servetsch da protecziun civila ston pajar ina taglia. Svizras pon far in servetsch facultativ en l'armada.

Fatgs precedents

L'iniziativa vul abolir l'obligaziun da far servetsch militar per umens. L'armada duai sa cumponer dad umens e da dunnas che fan facultativamain servetsch. Sche l'iniziativa veggiss acceptada, stuess pia l'armada vegnir organisada sco sistem da milissa da voluntaris. Plinavant fixescha l'iniziativa ch'il servetsch civil duai esser facultativ. Da nov fiss el avert er per dunnas. La finala veggiss abolida la taglia d'exemziun.

Tge vul l'iniziativa?

Il Cussegl federal ed il parlament refusan l'iniziativa: L'armada na pudess betg pli garantir la segirezza. I na fiss betg responsabel da laschar depender la segirezza da la Svizra da la dumonda, sche avunda persunas voluntaras èn prontas da far servetsch militar. Er ord vista da la politica da stadi datti arguments per l'aboliziun dal servetsch militar. L'armada è in spievel da la societad e giauda tras quai la confidenza da la populazion. Ella è fermamain francada en la societad e procura per la coesiun da noss pajais. Tut quai fiss malsegir en cas d'ina milissa da voluntaris. Resumond tut quai predomineschan ils avantatgs da l'obligaziun da far servetsch militar; perquai duai ella vegnir mantegnida.

Puntg da vista
dal Cussegl federal
e dal parlament

Il sistem actual da l'obligaziun da servetsch

Actualmain vali:

- Umens svizzers fan servetsch militar, sch'els èn psichicamain e fisicamain en cas da far quai (abel per il servetsch militar).
- Umens ch'èn abels per il servetsch militar, ma che na pon betg metter d'accord il servetsch militar cun lur conscienza, fan in servetsch civil.
- Tgi ch'è mo per part abel per il servetsch militar, fa servetsch en la protecziun civila (abel per il servetsch da protecziun civila).
- Tgi che n'è betg abel da far in da quests servetschs, paja la taglia d'exemziun dal servetsch militar.
- Umens cun in grad d'invaliditat d'almain 40% na pajan nagina taglia d'exemziun.

Dunnas pon s'annunziar voluntarmain al servetsch militar. Questa regulaziun na violescha tenor il Tribunal federal betg l'egalitatad dad um e dunna.

Il project da votaziun en detagi

L'iniziativa dal pievel «Gea a l'aboliziun dal servetsch militar obligatoric» vul midar il sistem existent da l'obligaziun da far servetsch en moda fundamentala. Ella ha consequenzas direc-tas per l'armada, per il servetsch civil e per la taglia d'exem-ziuun. Da nov duain il servetsch militar ed il servetsch civil esser facultatius ed esser averts per umens e per dunnas. La taglia d'exemziun duai crudar davent. Per la protecziun civila na propona l'iniziativa nagina nova regulaziun. Ma perquai che la protecziun civila è colliada cun l'armada e cun il ser-vetsch civil en il sistem da l'obligaziun da servetsch, ha l'in-i-ziativa consequenzas indirectas er per tala.

Restructurar
il servetsch militar
obligatoric

L'iniziativa vul abolir l'obligaziun da far servetsch militar per umens svizzers. Sch'ella vegniss acceptada, consistiss l'ar-mada mo pli d'ina milissa, per la quala umens e dunnas pon s'annunziar voluntarmain. La dumonda quant gronda u quant pitschna che questa milissa da voluntaris duai daventar na responda l'iniziativa betg. Sche, quantas e tgeninas persunas che s'annunzian facultativamain, na po betg vegnir preditg.

Armada:
milissa da
voluntaris, effectiv
betg determinà

Actualmain fan umens, ch'en abels per il servetsch militar, servetsch civil, sche lur conscienza n'als permetta betg. L'iniziativa pretenda ch'il servetsch civil duai da nov er pudair vegnir fatg sin basa facultativa. Uschia permetta ella da nov er a dunnas da far servetsch civil. Er qua n'èsi betg deter-minà, quantas voluntarias che duain vegnir persvadidas.

Servetsch civil:
facultativ per
dunna ed um

Sche l'obligaziun da far servetsch militar vegn abolida, vegn er abolida la taglia d'exemziun. Actualmain vegn quella pajada da las personas ch'èn obligadas da far servetsch, che na fan dentant ni servetsch militar ni servetsch civil u protecziun civila ubain che han spustà in servetsch per motivs personals.

Abolir la taglia
d'exemziun

Betg cleras n'en las consequenzas per la protecziun civila. Quella na vegn gnanc menziunada en il text da l'iniziativa, è però – sur la recrutazion – colliada stretgamain cun l'obligaziun da far servetsch militar. Sche quella vegniss abolida senza che la lescha respectiva vegniss midada a medem temp, daventass la protecziun civila obligatorica per tut ils umens ch'èn abels da la far.

Consequenzas
per la protecziun
civila

Sch'il pievel ed ils chantuns acceptassan l'iniziativa, avess quai consequenzas per la cassa da la Confederaziun e dals chantuns. L'aboliziun da la taglia d'exemziun chaschunass perditas d'entradas da passa 100 milliuns francs per onn. En media importavan las entradas da la taglia d'exemziun durant ils ultims diesch onns 123 milliuns francs ad onn. Betg cler n'en ils custs d'ina milissa da voluntaris; quella stuess vegnir concepida da fund ensi. Nagin auter pajais na sa basa sin ina milissa da voluntaris. Tut tenor l'effectiv, ils custs per stimuls finanzials, il dumber da dis da servetsch che ston vegnir prestads u l'equipament che vegn mess a quint, resultan differentas obligaziuns finanzialas.

Consequenzas
da l'iniziativa per
ils custs

Sch'ina milissa da voluntaris duess pudair furnir las medemas prestaziuns sco l'armada vertenta, stuess ella avair la medema grondezza. En quest cas fiss ella però pli chara, perquai ch'i duvrass stimuls finanzials per persvader avunda voluntaris adattads. In'armada pli pitschna da voluntaris pudess percuter esser pli favuraivla che l'armada vertenta. Ma ella na fiss betg en cas da furnir las medemas prestaziuns.

Gist uschè pauc sa laschan numnar en cifras las consequenzas finanzialas per il servetsch civil, per la proteczion civila, per l'urden da cumpensaziun dal gudogn e per l'assicuranza militara.



Text da votaziun

Conclus federal davart l'iniziativa dal pievel «Gea a l'abolizun dal servetsch militar obligatoric»

dals 22 da mars 2013

L'Assamblea federala da la Confederaziun svizra,

sa basond sin l'artitgel 139 alinea 5 da la Constituziun federala¹,
suenter avair examinà l'iniziativa dal pievel «Gea a l'abolizun dal servetsch militar
obligatoric» ch'è vegnida inoltrada ils 5 da schaner 2012²,
suenter avair gî invista da la missiva dal Cussegli federal dals 14 da settember 2012³,
concluda:

Art. 1

¹ L'iniziativa dal pievel dals 5 da schaner 2012 «Gea a l'abolizun dal servetsch
militar obligatoric» è valaivla e vegn puttamessa a la votaziun dal pievel e dals
chantuns.

² L'iniziativa ha il suandard text:

I

La Constituziun federala vegn midada sco suonda:

Art. 59 Servetsch militar e civil

¹ Nagin na po vegnir obligà da far servetsch militar.

² La Svizra ha in servetsch civil facultativ.

³ La Confederaziun relascha prescripziuns davart ina compensaziun adequata da la
perdita da gudogn per persunas che fan servetsch.

⁴ Persunas che survegnan donns da sanadad u che perdan lur vita cun far servetsch
han il dretg da survegnir per ellas u per lur confamigliars in sustegn adequat da la
Confederaziun.

II

Las disposiziuns transitoricas da la Constituziun federala vegnan midadas sco suon-
da:

¹ CS 101

² Fegl uffizial federal 2012 1157

³ Fegl uffizial federal 2012 8285

Art. 197 cifra 8⁴ (nov)

8. Disposiziuns transitoricas tar l'art. 59 (Servetsch militar e civil)

Sche la legislaziun federala n'entra betg en vigur entaifer 5 onns suenter che l'obligaziun da far servetsch militar è vegnida abolida e suenter ch'il servetsch civil facultativ è vegni introduci dal pievel e dals chantuns en il senn da l'artitgel 59 alineas 1 e 2, relascha il Cussegl federal las disposiziuns executivas necessarias en in'ordinaziun.

Art. 2

L'Assamblea federala recumonda al pievel ed als chantuns da refusar questa iniziativa.

⁴ La cifra da la disposiziun transitorica vegn definida per la Chanzlia federala suenter la votazion.

Ils arguments dal comité d'iniziativa



Spetgar. Fimar ina. Ir sin tuts quatter tras la belma. Fimar anc ina. Nettegiar la buis d'assagi. Spetgar. – Quai è il mintgadi dals giuvens Svizzers che vegnan sfurzads da far servetsch militar.

Giuvenots han da far chaussas pli impurtantas che giugar a guerra. Els vulan terminar lur scolaziuns, entrar en la vita professiunala u s'occupar da lur uffants. Per in stadi liberal èsi indegn da far in stritg tras quests plans senza esser realmain en privel.

Mo persunas cun nostalgia militara che vivan anc adina en la Guerra fraida, èn propi da l'avis che la Svizra haja basegn da 100 000 schuldads. Perquai èsi inutil d'insister sin il servetsch militar che ans custa mintg'onn milliardas da francs. Il servetsch militar obligatoric è in model antiquà.

Svizras e Svizzers che han gugent la libertad voteschan perquai per l'aboliziun dal servetsch militar obligatoric.

Ulteriuras infurmaziuns sin www.wehrpflicht-aufheben.ch

Ils arguments dal Cussegli federal

L'iniziativa dat l'occasiun per discutar il sistem vertent da l'obligaziun da servetsch. Sch'ella vegniss acceptada, periclitass quai massivamain la segirezza dal pajais e da la populaziun. L'armada na pudess betg pli ademplir sia incumbensa e dependess da la dumonda, sche avunda voluntaris adattads s'annunzian. Il Cussegli federal refusa l'iniziativa cunzunt per ils motivs che suondan:

L'obligaziun da far servetsch militar è necessaria per la segirezza da la Svizra e da sia populaziun. Ella pussibilitescha da recrutar avunda truppas e caders ch'en bain scolads e d'als clamar al servetsch, sche quai è necessari. La segirezza per nossa communidad, per noss bainstar e per nossa economia è memia impurtanta per la surlaschar a la voluntariadad.

Il Cussegli federal tema che l'acceptaziun da l'iniziativa pudess perclitar l'abilitad d'agir en l'interess da la segirezza naziunal: Sche la situaziun da la politica da segirezza avess numnadama da sa pegiurar tuttenina en il futur, na pudess la Svizra betg reagir svelt avunda sin quai e reintroducir l'obligaziun da far servetsch militar. L'emprim stuess vegnir midada la Constituziun, quai che dovrà ses temp. In'aboliziun da l'obligaziun da far servetsch militar na pudess pia betg vegnir annullada svelt avunda en il cas d'urgenza. Sin basa da talas ponderaziuns n'han tscherts stadis da l'Europa betg abolì, mabain mo sistì l'obligaziun da far servetsch militar.

Nagin auter pajais n'ha organisà sia armada sco milissa da voluntaris; i mancan pia las experientschas. L'armada svizra stuess vegnir concepida da nov da fund ensi, sch'ella stuess sa basar sin ina milissa da voluntaris. Ultra da quai lascha

Voluntariadad
na garantescha betg
la segirezza

L'abilitad d'agir
vegniss
restrenschida

Bleras dumondas
avertas

I'iniziativa avert dumondas: I n'è betg cler, sch'ins chattass avunda voluntaris adattads e tge stimuls finanzials che fissan necessaris per als persvader. Plinavant n'èsi gnanc cler, a tge ch'ils voluntaris stuessan s'obligar per che l'armada funciu-neschia. La finala n'èsi er betg cler, sche appartegnents da la milissa da voluntaris subissan eventualmain dischavantatgs en la professiun.

Sch'i resultass da la milissa da voluntaris in'armada pli pitschna, pudess quella però esser pli favuraivla che l'armada vertenta. Ma ella na fiss betg buna da garantir la segirezza en Svizra en la medema dimensiun. Auters instruments da la politica da segirezza da la Confederaziun, dals chantuns e da las vischnancas stuessan alura prestar dapli (p. ex. la polizia, ils pumpiers e la protecziun civila); ils custs vegnissan mo spustads.

En ina democrazia èsi impurtant che l'armada ha in sustegn solid. Il servetsch militar presta ina contribuziun impurtanta per la coesiun sociala, oravant tut tranter umans giuvens, ed el è anc adina ina scola per la vita. En il servetsch militar emprendan ins a lavurar ed a viver ensemes cun umans da tut las regiuns, da tut las gruppas linguisticas e da tut ils ambients socials. Las experientschas multifaras dal servetsch militar ch'ins ha fatg cuminaivlamain restan en buna memo-ria a bleras burgaisas ed a blers burgais e gidan a mante-gnair la coesiun naziunala. Uschia na daventa l'armada er betg in stadi en il stadi, mabain resta in spievel da nossa societad. Quai na duess betg vegnir mess en privel.

Per tut queste motivs recumondan il Cussegl federal ed il parlament da refusar l'iniziativa.

Consequenzas
intschertas per la
Confederaziun,
per ils chantuns e
per las vischnancas

Mantegnair
in faktur da
coesiun sociala

Lescha federala davart il cumbat cunter malsognas transmissiblas da l'uman (Lescha d'epidemias)

La dumonda da votaziun è la suandanta:

Vulais Vus acceptar la Lescha dals 28 da settember 2012 davart
il cumbat cunter malsognas transmissiblas da l'uman
(Lescha d'epidemias, LEP)?

**Il Cussegl federal ed il parlament recumondan d'acceptar
la Lescha federala davart il cumbat cunter malsognas transmissiblas
da l'uman (Lescha d'epidemias).**

Il Cussegl naziunal ha acceptà il project cun 149 cunter 14 vuschs
e 25 abstensiuns, il Cussegl dals chantuns cun 40 cunter 2 vuschs
e 3 abstensiuns.

II pli important en furma concisa

Las smanatschas per la sanadad da la populaziun svizra èn sa midadas fermemain ils ultims decennis. Novas malsognas – sco avant diesch onns la malsogna privlusa dal pulmun SARS – sa derasan oz pli svelt, perquai ch'cls umans daventan adina pli mobils, saja quai en la professiun sco er durant il temp liber e perquai ch'els viagian adina pli savens. Ultra da quai datti pli e pli bacterias resistentas e virus resistentes, cunter ils quals ils medicaments che stattan a disposiziun èn adina main effectivs. La Lescha d'epidemias vertenta da l'onn 1970 na porscha betg pli ina protecziun suffizienta cunter quests privels. Il Cussegl federal ed il parlament han perquai repassà la lescha.

Situaziun
da partenza

Cun la nova lescha vul ins proteger meglier la sanadad da las persunas en Svizra cunter malsognas transmissiblas e cunter epidemias. Malsognas contagiusas pon vegnir identifitgadas a temp e pon vegnir cumbattidas effizientamain. La nova lescha permetta ultra da quai da prender mesiras cunter las resistencias crescentas a l'antibiotica. Plinavant pon pazientas e pacients sco er il personal vegnir protegids meglier en il futur cunter infecziuns en l'ospital. La vaccinaziun resta ina mesira centrala per prevegnir a malsognas transmissiblas. I vegn cuntuñà cun la pratica da vaccinaziun vertenta ch'è sa cumprovada. Sin giavisch dals chantuns vegnan ultra da quai regladas pli cler las competenzas da la Confederaziun e dals chantuns. La collauraziun vegn definida da nov e permetta a las autoritads da dumagnar situaziuns da crisa en moda pli effizienta.

Tge prevesa
la reglamentaziun?

Cunter la nova Lescha d'epidemias èsi vegni lantschà in referendum. Quel pretenda ch'il project pregiuditgeschia la libertad da las burgaisas e dals burgais. Che ultra da quai vegnian restrenschidas tschertas competenzas chantunalas, entant che la Confederaziun survegnia memia blera pussanza.

Pertge il
referendum?

Il Cussegl federal ed il parlament recumondan d'acceptar la lescha revedida per pudair garantir ina meglra protecziun cunter malsognas transmissiblas. Las directuras ed ils directurs chantunals da sanadad beneventan medememain il project¹.

Puntg da vista
dal Cussegl federal
e dal parlament

¹ Conclus da la CDS dals 23 da matg 2013; funtauna:
[> Themen > Prävention und Gesundheitsförderung >](http://www.gdk-cds.ch)
[> Übertragbare Krankheiten > Epidemiengesetz](http://www.gdk-cds.ch)

II project da votaziun en detagi

La Lescha d'epidemias vertenta da l'onn 1970 na protegia betg sufficientamain la populaziun svizra cunter epidemias e cunter novas smanatschas sco per exemplu la malsogna pri-vlusa dal pulmun SARS. Perquai han il Cussegli federal ed il parlament repassà la Lescha d'epidemias. Grazia a la nova lescha pon la Confederaziun ed ils chantuns prender pli svelt mesiras sistematicas per identifitgar, per evitar, per surve-gliar e per cumbatter malsognas transmissiblas.

Novas
smanatschas

Per che la populaziun possia vegnir protegida effizientamain cunter malsognas transmissiblas, ston la Confederaziun ed ils chantuns collavurar en moda coordinada. La lescha regla perquai pli cler las cumpetenzas e fixescha mintgamai las incumbensas. Questa repartiziun da las incumbensas pli precisa è vegnida giavischada explicitamain dals chantuns.

Sclerir las
incumbensas e las
cumpetenzas

La nova lescha oblighescha las autoritads d'elavurar e da realisar programs per proteger la sanadad publica cunter malsognas transmissiblas. Uschia cuntanschan ins per exemplu che main persunas s'infecteschian cun HIV ubain ch'i resultian main malsognas en ils ospitals, per exemplu suenter in'operaziun. Infeciuns en ospitals chaschunan en Svizra mintga onn presumptivamain 2000 mortoris e custs da 240 milliuns francs². Ultra da quai pon vegnir survegliadas e cumbattidas sistematicamain las resistenzas crescentas a l'antibiotica, grazia a las novas disposiziuns legalas, per ch'ils medica-ments na perdian betg lur efficacitad cunter grevas malsognas infectusas sco malcostas u meninghitis. Vaccinaziuns èn anc adina la meglra proteczion cunter infeciuns. I vegnia cuntuò cun la pratica da vaccinaziun sco quai ch'ella è sa cumprovada.

Proteger la sanadad
da la populaziun

² Hugo Sax, «Qualitätsmanagement: Hygiene in den Spitätern», en:
Die Volkswirtschaft 12–2006.

La Lescha d'epidemias vertenta permetta als chantuns d'ordinar vaccinaziuns obligatoricas. La nova lescha restrenscha fermamain questa pussaivladad. Ils chantuns dastgan ordinar vaccinaziuns obligatoricas mo pli, sche la sanadad publica è periclitada considerablament e sche la populaziun na po betg vegnir protegida tras otras mesiras. Ultra da quai dastgan las vaccinaziuns obligatoricas vegnir ordinadas mo per gruppas da persunas cleramain definidas – sco per exemplu per il personal da la partizun da novnaschids en in ospital, e quai per proteger la sanadad dals poppins e da las mammas.

Reducir las
vaccinaziuns
obligatoricas

Nagin na po però vegnir vaccinà cunter sia veglia. Sch'i sa manifestescha ina situaziun da crisa e sch'in chantun ordinescha vaccinaziuns obligatoricas, po quai per exemplu signifigar per las collavuraturas e per ils collavuraturs d'in ospital che n'en betg vaccinads ch'els vegnan transferids ad interim ad in'autra partizun da l'ospital.

Sch'ina malsogna prylusa duess sa derasar svelt, dovrì mesiras naziunalas. Mo uschia poi vegnir evitè che blers umans daventan malsauns u moran schizunt. Sch'i duess daventar necessari d'agir sin plau naziunal, pudess da nov obligar er il Cussegl federal – en enclegientscha cun ils chantuns – tschertas gruppas da persunas da far vaccinaziuns. Ina tala situaziun extraordinaria n'hai anc mai dà. Ultra da quai vala er en avegnir: Nagin na po vegnir vaccinà cunter sia veglia.

Reglamentaziun
a nivel naziunal

La nova Lescha d'epidemias cuntegna per l'emprima giada er disposiziuns davart la protecziun da datas. I vegn reglè riguru-samain co utiliar las datas che la Confederaziun ed ils chantuns registreschan en connex cun malsognas contagiusas.

Ulteriuras
meglieraziuns

En fitg paucs cas pon vaccinaziuns chaschunar effects secundars fitg gravants. La nova lescha vul perquai rinforzar la posiziun da las persunas che pretendan persuenter ina indemnisiuni.

La nova lescha stgaffescha plinavant las premissas per che uffants e giuvenils possian vegnir infurmads en moda con-

furma a lur vegliadetgna davart ils privels da sanadad che malsognas infectusas sco per exemplu meninghitis u malsognas transmissiblas sexualmain sco HIV/aids pon provocar.

Las disposiziuns ch'èn sa cumprovadas en la pratica – per l'utilisaziun scientifica da scherms infectus e per lur utilisaziun ordaifer il labor – restan uschè rigurudas sco ch'ellas eran. Ina tala «liberaziun» è per exemplu pussaivla per proteger la sanadad publica. Quai è capità fin ussa mo ina giada en Svizra, numnadaman en connex cun il cumbat da la frenesia da las vulps; in cumbat che ha cumenzà l'onn 1978.

Ils arguments dals comités da referendum

La Svizra ha merità ina meglia Lescha d'epidemias – perquai NA!

La Svizra dovrà ina Lescha d'epidemias senza vaccinaziuns obligatoricas, senza sexualisaziun prematura en scolina, senza fischar las disas da viagiar ed il stadi da sanadad e senza sa suttametter a l'Organisaziun mundiala da la sanadad (OMS).

Naginias vaccinaziuns obligatoricas dictadas da la Confederaziun e da l'OMS!

- Las vaccinaziuns obligatoricas pertutgan tut las «gruppas da la populaziun periclitadas» (art. 6, art. 21, 22), uffants, glieud attempada, gruppas professiunals particularas, simplamain tuts (art. 7) sut l'aspect da la «promoziun da vaccinaziuns» (art. 21).
- Delegar donns da vaccinaziun al stadi (art. 64–69) è ina favurisaziun sbagliada da l'industria farmaceutica che va sin donn e custs dals pajataglias.
- Scherms infectus ch'en geneticamain modifitgads cuntegnan in grond privel per nossa societad (art. 27).
- Il dictat da l'OMS (art. 6), sco p.ex. tar la grippa da portgs, violescha nossa suveranitat.

Gea a la recumandaziun da vaccinar – dentant senza obligaziun e senza dictatura per la sanadad da vart da la Confederaziun e da l'OMS!

Nagina banca da fischas, naginas infurmaziuns zunt persunalas a l'exterior ed a l'OMS!

- La sfera privata e la protecziun da datas vegnan violadas, sche lieus da dimora, contacts e resultats da visitas medicalas (cun suspect d'esser malsau ni d'infectar art. 60) sco er l'appartegnientscha ad ina gruppa da ristga vegnan dadas enavant senza codaziun (art. 59–62).

Gea a la prevenziun – dentant senza violar la sfera privata e la protecziun da datas!

Betg sfurzar la sexualisaziun da noss uffants!

- Cun l'introducziun da la sexualisaziun prematura en scola e cun la stgisa da prevegnir a malsognas sexualas contagiusas vegn violà il dretg d'educaziun dals **geniturs** e la suveranitat chantunala da scola dal sistem federalistic (art. 19, al. 2c). L'educaziun na tutga betg en ils mauns dal stadi.

Gea a l'educaziun sexuala – dentant senza ch'il stadi reeducheschia!

NA a QUESTA Lescha d'epidemias – nagina dictatura per la sanadad – nagin centralissem!

Ulteriuras infurmaziuns sin www.nein-zu-diesem-Epidemiengesetz.ch

Ils arguments dal Cussegl federal

Il Cussegl federal vul proteger meglier las persunas en Svizra cunter malsognas contagiusas e cunter epidemias privlusas. Per quest intent dovri la nova Lescha d'epidemias. Ella metta a disposiziun la basa necessaria per che la Confederaziun ed ils chantuns possian dumagnar meglier situaziuns da crisa, possian cumbatter epidemias e possian proceder sistematicamain cunter las resistenzas crescentas a l'antibiotica. Ultra da quai pon vegnir prendidas mesiras per impedir che persunas vegnian infectadas cun malsognas privlusas en ils ospitals. Il Cussegl federal ed il parlament sustegnan il project, en spezial per ils motivs che suondan:

La Lescha d'epidemias revedida precisescha las cumpetenzas da la Confederaziun e dals chantuns ed als surdat cleris incumbensas. Els pon identifitgar questas malsognas transmissiblas a temp, las evitar effizientamain e las cumbatter meglier. Il project vegn er sustegnì dals chantuns sco er dad acturs impurtants en ils fatgs da sanadad. Da quels fan part las federaziuns dals medis, dal persunal da tgira e dals# apotechers.

Nova lescha
per meglierar la
proteczion da la
populaziun

Las vaccinaziuns èn cumprovadaman la meglra proteczion cunter infecziuns da malsognas transmissiblas sco meninghitis, polio ubain tetanus. I vegn perquai cuntinuà senza midadas cun la pratica ch'è sa cumprovada. Ils chantuns ed er il Cussegl federal pudessan ordinar da far vaccinaziuns obligatoricas er vinavant en cas excepcionalis. Però la lescha fixe-scha per quest intent novas premissas rigurusas. Il champ d'applicaziun vegn restrenschì cleramain: I dastgan vegnir ordinadas vaccinaziuns obligatoricas mo pli per singulas gruppas da persunas ch'en pertutgadas spezialmain. Il Cussegl federal ed il parlament excludan vaccinaziuns obligatoricas. Er cun la nova lescha na dastga nagin vegnir vaccinà cunter sia veglia. Fin oz n'hai ultra da quai anc mai dà ina situaziun da crisa che avess intimà la Confederaziun d'ordinar vaccinaziuns obligatoricas.

Cuntinuar
cun la vaccinaziun
cumprovada

Il Cussegl federal ed il parlament vulan che tut ils uffants e giuvenils survegnian infurmaziuns adattadas a lur veglia-detgna per ch'els possian sa proteger sezs cunter privels da la sanadad. Perquai duain els, per exempl en l'instrucziun da scola, vegnir infurmads cun cleras finamiras davart las malsognas infectusas sco per exempl meninghitis, virustgel ubain malsognas transmissiblas sexualmain sco HIV/aids. Davart ils plans d'instrucziun decidan sco fin ussa ils chantuns. L'instrucziun sco tala resta chaussa da las magistras e dals magisters.

Per impedir la derasaziun da malsognas privlusas e mortalas ston ils medis sco er ils labors medicinals annunziar svelt tschertas datas gia oz. Uschia pon las autoritads prender a temp las mesiras necessarias per proteger autres persunas cunter ina infecziun. La Lescha d'epidemias cuntegna da nov er disposiziuns che protegian en moda cumplessiva las infurmaziuns sensiblas davart singulas persunas e che garanteschan pia la protecziun da datas.

Las malsognas transmissiblas na sa ferman betg als cunfins. Per pudair proteger effizientamain la populaziun svizra collavura la Svizra perquai cun ses pajais vischins e cun l'Organisaziun mundiala da la sanadad (OMS). La Lescha d'epidemias cuntegna las regulaziuns legalas correspondentes. La suveranitat da la Svizra na vegn betg restrenschida.

Per tut queste motivs recumondan il Cussegl federal ed il parlament d'acceptar la Lescha d'epidemias.

Infurmaziun davart
malsognas
transmissiblas

Meglira protecziun
da datas

Collavuraziun
internaziunala



Text da votaziun

Lescha federala

davart il cumbat cunter malsognas transmissiblas da l'uman
(Lescha d'epidemias, LEp)

dals 28 da settember 2012

L'Assamblea federala da la Confederaziun svizra,

sa basond sin ils artitgels 40 alinea 2, 118 alinea 2 litera b, 119 alinea 2 e 120 alinea 2 da la Constituziun federala¹,
suenter avair gi invista da la missiva dal Cussegl federal dals 3 da december 2010²,
concluda:

1. chapitel: Disposiziuns generalas e princips

Art. 1 Object

Questa lescha regla la protecziun da l'uman cunter malsognas transmissiblas e prevesa las mesiras necessarias per quai.

Art. 2 Intent

¹ Questa lescha ha l'intent d'evitar e da cumbatter l'erupziun e la derasaziun da malsognas transmissiblas.

² Las mesiras che questa lescha prevesa han l'intent:

- a. da surveegliar malsognas transmissiblas e da metter a disposizion las enconuschienschas da basa davart lur derasaziun e davart lur svilup;
- b. d'identifitgar a temp, da giuditgar e d'evitar la ristga d'ina erupziun e d'ina derasaziun da malsognas transmissiblas;
- c. d'intimar singulas personas, tschertas gruppas da personas e tschertas instituziuns da gidar ad evitar ed a cumbatter malsognas transmissiblas;
- d. da crear las premissas organizatoricas, tecnicas e finanzialas per identifitgar, per surveegliar, per evitar e per cumbatter malsognas transmissiblas;
- e. da garantir l'access ad instituziuns ed a meds da protecziun cunter malsognas transmissiblas;
- f. da reducir las consequenzas da las malsognas transmissiblas per la sociedad e per las personas pertutgadas.

¹ CS 101

² Fegl uffizial federal 2011 311

Art. 3 Noziuns

En il senn da questa lescha chapeschan ins:

- a. *malsogna transmissibla*: malsogna ch'è transmissibla a l'uman tras scherms infectus u tras lur products toxics;
- b. *observaziuns*: ils resultats d'analistas clinicas (p.ex. diagnosas d'in suspect, diagnosas confermadas, mortoris), ils resultats d'analistas da labor (p.ex. resultats da tests, cumprovas directas ed indirectas da scherms infectus, tipizaziuns, tests da resistenza), ils resultats d'analistas epidemiologicas (p.ex. indicaturs davart infecziuns associadas a las terapias) sco er eveniments (p.ex. substanzas u objects suspectus) che han in connex cun malsognas transmissiblas;
- c. *scherm infectus*: organissembs naturals e modifitgads geneticamain (p.ex. virus, bacterias, bulieus, protozoaris ed auters parasits), substanzas (p.ex. prions, toxins) sco er material genetic, che pon chaschunar u pegiurar ina malsogna transmissibla;
- d. *utilisaziun da scherms infectus*: tutta activitatad cun scherms infectus, particolarmain la producziun, la multiplicaziun, l'emissiun en l'ambient, la commerzialisaziun, l'import, l'export, il transit, il teginair en saly, l'utilisaziun, il deposit, la dismessa u il transport.

Art. 4 Finamiras e strategias

¹ Il Cussegli federal fixescha – en collavurazion cun ils chantuns – las finamiras e las strategias per identifitgar, per survegliar, per evitar e per cumbatter malsognas transmissiblas.

² La definiziun da las finamiras e da las strategias vegn a teginair quint particularmain:

- a. da las enconuschientschas dal rapport tenor l'artitgel 76;
- b. da las recumandaziuns e directivas internaziunalas;
- c. dal stadi actual da la scienza.

³ Sin basa dal rapport verifitgeschan la Confederaziun ed ils chantuns, sche las finamiras èn vegnidas cuntanschidas e prendan, en cas da basegn, las mesiras correspondentes.

Art. 5 Programs naziunals

¹ L'Uffizi federal da sanadad publica (UFSP) elavura – en collavurazion cun ils chantuns – programs naziunals tematicas per identifitgar, per survegliar, per evitar e per cumbatter malsognas transmissiblas, particularmain en ils secturs:

- a. vaccinaziuns;
- b. infecziuns associadas a las terapias e resistenzas da scherms infectus;
- c. HIV ed auters scherms infectus da malsognas transmissiblas sexualmain.



² En il rom da lur cumpetenzas procuran la Confederaziun ed ils chantuns ch'ils programs naziunals vegnian realisads.

Art. 6 Situazjun speziala

¹ Ina situazjun speziala datti, sche:

- a. ils organs executivs ordinaris n'èn betg en il cas d'evitar e da cumbatter l'erupziun e la derasaziun d'ina malsogna transmissibla e sch'igl exista ina da las suandantas ristgas:
 1. ina ristga augmentada d'infecziun e da derasaziun;
 2. in privel spezial per la sanadad publica;
 3. consequenzas fitg gravantas per l'economia u per auters secturs da la vita;
- b. l'Organisaziun mundiala da la sanadad (OMS) ha constatà ch'igl exista ina situazjun d'urgenza per la sanadad ch'è d'impurtanza internaziunala, e che quella smanatscha da periclitar la sanadad publica en Svizra.

² Il Cussegli federal po, suenter avair tadlà ils chantuns:

- a. ordinar mesiras envers singulas persunas;
- b. ordinar mesiras envers la populaziun;
- c. obligar medias e medis ed ulteriur persunal da sanadad da collavurar en il cumbat cunter malsognas transmissiblas;
- d. declarar per obligatoricas las vaccinaziuns da gruppas da la populaziun periclitadas, da persunas spezialmain expostas e da persunas ch'exequeschant tschertas activitads.

³ Il Departament federal da l'intern (DFI) coordinescha las mesiras da la Confederaziun.

Art. 7 Situazjun extraordinaria

Sch'ina situazjun extraordinaria pretenda, po il Cussegli federal ordinar las mesiras ch'en necessarias per l'entir pajais u per singulas parts da quel.

Art. 8 Mesiras preparatoricas

¹ La Confederaziun ed ils chantuns prendan mesiras preparatoricas per evitar e per limitar a temp privels e donns da la sanadad publica.

² En vista ad in privel spezial per la sanadad publica po l'UFSP ordinar als chantuns da prender tschertas mesiras, en spezial:

- a. per identifitgar e per survegiliar las malsognas transmissiblas;
- b. ordinar mesiras envers singulas persunas;
- c. ordinar mesiras envers la populaziun;
- d. per distribuir ils medicaments.

2. chapitel: Infurmaziun e barat d'infurmaziuns

Art. 9 Infurmaziun

¹ L'UFSP infurmescha la publicitat, tschertas gruppas da persunas sco er las autoritads e las persunas spezialisadas davart las ristgas da las malsognas transmissiblas e davart las pussaivladdas per las evitar e per las cumbatter.

² El publidgescha regularmain glistas ed analisas davart il gener, davart la cumparsa, davart ils motivs e davart la derasaziun da las malsognas transmissiblas.

³ El publidgescha recumandaziuns per prender mesiras cunter malsognas transmissiblas e per tractar ils scherms infectus ed adattescha quellas regularmain al stadi da la sciensa. Sche auters uffizis federalis èn pertutgads, agescha l'UFSP en encleigent-scha cun els.

⁴ L'UFSP e las autoritads chantunalas cumpetentas coordineschan lur activitat d'infurmaziun.

Art. 10 Barat d'infurmaziuns

¹ L'UFSP procura ch'ils chantuns survegnian las infurmaziuns ch'èn decisivas per evitar e per cumbatter las malsognas transmissiblas.

² Ils posts cumpetents da la Confederaziun e dals chantuns barattan tranter els ils resultats da la perscrutazion, las enconuschienschas spezialisadas e las infurmaziuns davart ils programs da scolaziun e da surveglianza.

3. chapitel: Constataziun e surveglianza

1. secziun: Annunzias

Art. 11 Sistems da constataziun a temp e da surveglianza

L'UFSP maina – en collavuraziun cun ulteriurs posts federalis e cun ils posts chantunalas cumpetents – sistems per constatar a temp e per survegliar las malsognas transmissiblas. El procura per la coordinaziun cun ils sistems internaziunals.

Art. 12 Obligaziun d'annunzia

¹ Medias e medis, ospitals ed autres instituziuns publicas u privatas dals fatgs da sanudad annunzian las observaziuns davart las malsognas transmissiblas e fan las indicaziuns ch'èn necessarias per identifitgar las persunas malsaunas, infectadas u expostas sco er per constatar la via da transmissiun:

- a. a l'autoritat chantunala cumpetenta;
- b. a l'autoritat chantunala cumpetenta sco er a l'UFSP, tar tscherts scherms infectus.

² Ils labors annunzian a l'autoritat chantunala cumpetenta ed a l'UFSP ils resultats da las analisas da labor pertutgant las malsognas transmissiblas e fan las indicaziuns ch'èn necessarias per identifitgar las persunas malsaunas u infectadas.



³ Il Cussegli federal po prevair l'obligaziun d'annunziar las mesiras da prevenziun e da cumbat sco er lur effects e da trametter provas e resultats d'analisis als labors ch'en vegnids designads da las autoritads cumpetentas.

⁴ Las autoritads chantunalas cumpetentas annunzian a l'UFSP las observaziuns che inditgeschan in privel per la sanadad publica.

⁵ Ils chapitanis d'ina bartga ubain ils pilots d'in eroplan annunzian als gestiunaris d'in port respectivamain d'in eroport las observaziuns che inditgeschan in privel per la sanadad publica.

⁶ Els ston annunziar las observaziuns davart las malsognas transmissiblas:

- a. che pon chaschunar epidemias;
- b. che pon avair consequenzas gravantas;
- c. ch'en novas u nunspetgadas; u
- d. da las qualas la surveglianza è vegnida accordada internaziunalmain.

Art. 13 Regulaziun da las annunzias

¹ Il Cussegli federal determinescha, qualas observaziuns pertutgant las malsognas transmissiblas ch'en suttamessas a l'obligaziun d'annunzia sco er las vias, ils criteris ed ils termins d'annunzia.

² En tscherts cas po el restrenscher l'obligaziun d'annunzia a tschertas medias e tscherts medis, a tscherts ospitals ed ad autres instituziuns publicas u privatas dals fatgs da sanadad sco er a tscherts labors.

Art. 14 Annunzias per la surveglianza epidemiologica e per intets da perscrutaziun

¹ Per intets da la surveglianza epidemiologica e per intets da perscrutaziun po l'UFSP concluder cun medias e medis, cun labors, cun ospitals e cun autres instituziuns publicas u privatas dals fatgs da sanadad ch'els annunzian al post designà da l'UFSP las observaziuns che n'en betg suttamessas a l'obligaziun d'annunzia.

² L'annunzia sto vegnir fatga en ina furma anonimizada.

Art. 15 Scleriments epidemiologics

¹ Las autoritads chantunalas cumpetentas procuran per ils scleriments epidemiologics necessaris, en spezial davart il gener, davart ils motifs, davart la funtauna d'infeccziun e davart la derasaziun d'ina malsogna constatada u suspectada. Ellas coordineschan lur activitads ed infurmeschan l'UFSP davart ils resultats.

² L'autoridad federala cumpetenta conceda in sustegn tecnic a las autoritads chantunalas en connex cun ils scleriments epidemiologics. Ella po exequir sezza tals scleriments, en spezial sch'il chantun pertutgà dumonda quai.

2. secziun: Labors

Art. 16 Obligaziun da dumandar ina permissiu

¹ Ils labors che fan analisas microbiologicas per identifitgar malsognas transmissiblas basegnan in'autorisaziun da l'autoritat federala cumpetenta.

² Il Cussegli federal ademplescha las suandardas incumbensas:

- a. designescha l'autoritat federala cumpetenta;
- b. regla las premissas e la procedura per conceder l'autorisaziun;
- c. descriva las obligaziuns da la titulara u dal titular da l'autorisaziun;
- d. regla la surveglianza e prevesa en spezial la pussaivladad da far inspecziuns senza s'annunziar.

³ Ils labors da praticas medicalas, ils labors d'ospitals, l'ufficina d'ina apoteca ed ulteriurs labors che fan analisas en il rom dal provediment da basa tenor la Lescha federala dals 18 da mars 1994³ davart l'assicuranza da malsauns (LAMAl) èn exceptads da l'obligaziun da dumandar in'autorisaziun.

Art. 17 Centers da referencia naziunals e labors da conferma

L'UFSP po designar singuls labors sco centers da referencia naziunals u sco labors da conferma e surdar a quels analisas spezialas ed ulteriuras incumbensas spezialas.

Art. 18 Rait da labors

Ils chantuns mainan ina rait da labors regiunals e garanteschan la collavuraziun cun las autoritats federalas cumpetentas e cun ils labors da gronda segirezza.

4. chapitel: Prevenziun

1. secziun: Mesiras generalas da prevenziun

Art. 19

¹ La Confederaziun ed ils chantuns prendan mesiras per controllar, per reducir e per eliminar las ristgas da transmetter malsognas.

² Il Cussegli federal po:

- a. obligar ospitals, clinicas ed autres instituziuns dals fatgs da sanadad da decontaminar, da disinfectar e da sterilisar lur products medicinals;
- b. obligar manaschis ed organisaturs d'occurrenzas, che augmentan la ristga da transmetter malsognas, da metter a disposizion material da prevenziun e d'infurmazion e d'observar tschertas reglas da cumportament;

³ CS 832.10



- c. obligar instituziuns dals fatgs da furmaziun e da sanadad da furnir infurmatziuns davart ils privels da malsognas transmissiblas e da dar cussegliazius per evitare e per cumbatter quellas;
- d. obligar instituziuns publicas e privatas che han in'obligazion speziala da proteger la sanadad dals umans, ch'èn affidadas a lur tgira, da realisar mesiras da prevenziun adattadas;
- e. suttamettere ad in'obligazion da regiszrazion las installaziuns tecnicas che pon derasar malsognas transmissiblas.

2. secziun: Vaccinaziuns

Art. 20 Plan da vaccinaziun naziunal

- ¹ L'UFSP elavura e publitgescha recumandaziuns en la furma d'in plan da vaccinaziun naziunal, e quai en collaurazion cun la Cumissiun federala per vaccinaziuns.
- ² En il rom da lur activitat gidan medias, medis e l'ulterieur persunal da sanadad a realisar il plan da vaccinaziun naziunal.
- ³ Els infurmeschan las persunas pertutgadas da las recumandaziuns davart il plan da vaccinaziun naziunal.

Art. 21 Promozion da vaccinaziuns

- ¹ Ils chantuns promovan vaccinaziuns cun:
 - a. infurmars las persunas pertutgadas da las recumandaziuns davart il plan da vaccinaziun naziunal;
 - b. controllar regularmain il stadi da vaccinaziun dals uffants e dals giuvenils durant il temp da scola obligatoric;
 - c. procurar che las persunas pertutgadas da las recumandaziuns survegnian ina vaccinaziun cumplettia.
- ² Ils chantuns pon en spezial:
 - a. porscher vaccinaziuns en il rom dal servetsch da sanadad da scola;
 - b. laschar vaccinar gratuitamain u consegnar vaccins ad in pretsch pli bass che quel dal martgà.

Art. 22 Vaccinaziuns obligatoricas

Ils chantuns pon declarar per obligatoricas vaccinaziuns da gruppas da la populaziun periclitadas, da persunas spezialmain expostas e da persunas ch'exequesch tschertas activitads, sch'igl exista in privel considerabel.

Art. 23 Certificat internaziunal da vaccinaziun u da profilaxa

- ¹ Il Cussegl federal po prevair l'obligazion d'annunzia u da dumandar in'autorisazion per vaccinaziuns, per las qualas è necessari in certificat internaziunal

da vaccinaziun u da profilaxa tenor l'artitgel 36 dal Reglament sanitar internaziunal (2005) dals 23 da matg 2005⁴.

² Il Cussegħi federal ademplescha las suandantas incumbensas:

- a. designescha l'autoritatad cumpetenta;
- b. regla las premissas e la procedura per conceder l'autorisaziun;
- c. designescha las proceduras applitgables per la vaccinaziun ed ils vaccins admess.

Art. 24 Surveglianza ed evaluaziun

¹ Las autoritads federalas cumpetentas surveglian regularmain – en collavuraziun cun ils chantuns – l'adequatezza e l'efficacitad da las mesiras da vaccinaziun.

² Las autoritads chantunlas cumpetentas erueschan la quota da las persunas vaccinadas ed infurmeschan regularmain l'UFSP davart la rata da vaccinaziun e davart las mesiras ch'èn vegnidas prendidas per l'augmentar.

³ L'UFSP scriva regularmain rapports davart la surveglianza e davart l'evaluaziun e publitgescha quels en ina furma adattada.

3. secziun: Segirezza biologica

Art. 25 Duair da diligenza

Tgi che utilisescha scherms infectus u lur products toxics sto prender tut las mesiras necessarias per excluder mintga donn vi da l'uman.

Art. 26 Utilisazjuni da scherms infectus en sistems serrads

¹ En cas da l'utilisazjuni da scherms infectus en sistems serrads ston vegnir prendidas tut las mesiras da cunfinaziun ch'èn necessarias per evitar privels per l'uman.

² Il Cussegħi federal introducescha in'obligaziun d'annunzia e da dumandar in'autorisaziun; el regla las premissas e la procedura.

³ Per tscherts scherms infectus e per tschertas aktivitatiżiż po il Cussegħi federal prevair facilitaziuns u excepziuns da l'obligaziun d'annunzia e da dumandar in'autorisaziun, seči' in privel per la sanadad è exclus tenor il stadi da la scienza.

Art. 27 Emissiun en l'ambient e messa en circulaziun

¹ Tgi che vul emetter scherms infectus en l'ambient per experiments ubain als metter en circulaziun dovrà in'autorisaziun da la Confederaziun.

² Il Cussegħi federal regla las premissas e la procedura per conceder l'autorisaziun sco er l'infurmaziun da la publicitat davart l'emissiun da scherms infectus en l'ambient per experiments.

⁴ CS 0.818.103



³ Per tscherts scherms infectus po il Cussegħ federal prevair excepziuns da l'obligaziun da dumandar in'autorisazjum, sch' in privel per la sanadad è exclus tenor il stadi da la scienza.

Art. 28 Obligaziun d'infurmars iċċi akquisiturs

Tgi che metta in circulaziun scherms infectus sto infurmars iċċi akquisiturs davart lur qualitads e davart lur privels per la sanadad sco er davart las mesiżas da precauzjoni e da proteċzjoni necessarias.

Art. 29 Ulteriuras prescripziuns dal Cussegħ federal

Il Cussegħ federal po relaschar las suandantas prescripziuns:

- a. reglar il transport da scherms infectus e prescriver l'obligaziun da dumandar in'autorisazjoni per lur import, per lur export e per lur transit;
- b. restrenscer u scumandar l'utilisazjoni da tscherts scherms infectus;
- c. fixar las pretensiuni envers l'equipament dal sistem serrà ed envers la scolaziun da las persunas che utiliseschan scherms infectus;
- d. prescriver la signalisazjoni dals recipients che cuntegnan scherms infectus.

5. chapitel: Cumbat

1. seċziun: Mesiżas envers singulas persunas

Art. 30 Princip

¹ Ina mesira tenor iċċi artitgels 33 fin 38 dastga vegnir ordinada mo, sche:

- a. mesiżas main restrictive n'èn betg suffizientas u adattadas per impedir la derasaziun d'ina malsogna transmissibla; e
- b. la mesira serva ad evitare in privel serius per la sanadad da terzas persunas.

² La mesira sto esser necessaria e raschunaivla.

Art. 31 Ordinaziun da las mesiżas

¹ Las autoritads chantun alas cumpetentas ordineschan las mesiżas tenor iċċi artitgels 33 fin 38.

² Las autoritads federalas cumpetentas sustegnan iċċi chantuns en connex cun l'identificaziun e l'infurmaziun da persunas, en spezial da viagiaturi es il traffic internaziunal.

³ Cur che las mesiżas vegnā ordinadas sto la persuna pertutgada vegnir infurmada davant iċċi motivi e davant la durata probabla da la mesira.

⁴ Las mesiżas na dastgħan betg durar pli ditgħi kollha kif-necessari per impedir ch'ina malsogħa transmissibla sa derasia e per evitare in privel serius per la sanadad da terzas persunas. Las mesiżas ston vegnir controlladas regulariamente.

Art. 32 Realisaziun da las mesiras

Sche las autoritads chantunalas cumpetentas ordineschan ina surveglianza medicinala, ina quarantina, ina isolaziun u ina visita medicala, pon ellas procurar che quellas vegnian realisadas per forza.

Art. 33 Identificaziun ed infurmazion

Las persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus pon vegnir identifitgadas ed infurmadas.

Art. 34 Surveglianza medicinala

¹ Las persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus pon vegnir suttamessas a la surveglianza medicinala.

² Las persunas pertutgadas èn obligadas d'infumar la media cumpetenta u il medi cumpetent davart lur stadi da sanadad e davart lur contacts cun autres persunas.

Art. 35 Quarantina ed isolaziun

¹ Sche la surveglianza medicinala n'è betg suffizienta, po:

- a. ina persuna suspectada d'esser malsauna u d'esser infectada vegnir messa sut quarantina;
- b. ina persuna malsauna u infectada u che emetta scherms infectus vegnir isolada.

² Las persunas pertutgadas pon, sche necessari, vegnir tramessas en in ospital u en in'autra instituziun adattada.

³ L'ospital u l'instituziun sto procurar ch'il persunal e che ulteriuras persunas perlitadas vegnian protegids cunter transmissiuns.

Art. 36 Visita medicala

Las persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus pon vegnir obligadas da sa laschar visitar d'ina media u d'in medi e da laschar prender provas.

Art. 37 Tractament medical

Las persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus pon vegnir obligadas da sa laschar tractar d'ina media u d'in medi.

Art. 38 Restricziun da tschertas activitads e d'exercitar la professiun

¹ A las persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus poi vegnir scumandà dal

§

tuttafatg u per part d'exercitar tschertas activitads u lur professiun. Questas persunas pon vegnir obligadas d'annunziar immediatamain a l'autoritat chantunala cumpetenta ina midada dal chantun da domicil, da lur activitat u da lur professiun.

² Sch'igl è vegni scumandà dal tuttafatg u per part ad ina persuna d'exercitar tschertas activitads u sia professiun e sch'ella è vegnida obligada d'annunziar immediatamain ina midada da ses chantun da domicil, da sia activitat u da sia professiun, infurmescha l'autoritat chantunala cumpetenta l'autoritat cumpetenta dal chantun respectiv davart il scumond u davart la restricziun.

Art. 39 Incumbensas da las medias e dals medis

Las medias ed ils medis che tractan u surveglian las persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus, prendan las mesiras ch'en pussaivlas per ellas e per els per impedir che la malsogna transmissibla sa derasia. Sch'igl èn necessarias mesiras da las autoritads, sto quai vegnir avisà a l'autoritat chantunala cumpetenta.

2. secziun:

Mesiras envers la populaziun ed envers tschertas gruppas da persunas

Art. 40

¹ Las autoritads chantunalas cumpetentas ordineschan mesiras per impedir che malsognas transmissiblas sa derasian en la populaziun u en tschertas gruppas da persunas. Ellas coordineschan lur mesiras.

² Ellas pon prender en spezial las suandardas mesiras:

- a. scumandar u restrenscher occurrentzas;
- b. serrar scolas, autras instituziuns publicas ed interpresas privatas ubain far prescripziuns per lur manaschi;
- c. scumandar u restrenscher l'entrada e la sortida da tscherts edifizis e territoris sco er tschertas activitads en lieus definids.

³ Las mesiras na dastgan betg durar pli ditg che necessari per impedir ch'ina malsogna transmissibla sa derasia. Las mesiras ston vegnir controlladas regularmain.

3. secziun: Mesiras en la circulaziun internaziunala da persunas

Art. 41 Entrada en Svizra e partenza da la Svizra

¹ Il Cussegl federal relascha prescripziuns davart la circulaziun internaziunala da persunas cun l'intent d'impedir che las malsognas transmissiblas sa derasian suror ils cunfins.

² Sch'igl è necessari per impedir la derasaziun d'ina malsogna transmissibla, po l'UFSP obligar persunas che entran en Svizra u che partan da la Svizra:

- a. da communitgar lur identitad, lur ruta da viadi e lur adressa;
- b. da preschentar in certificat da vaccinaziun u da profilaxa;

- c. da dar infurmaziuns davart lur stadi da sanadad;
- d. da preschentar in certificat medical;
- e. da sa laschar visitar d'ina media u d'in medi.

³ L'UFSP po suittametter persunas che entran en Svizra ad ina mesira tenor ils artitgels 34, 35, 37 e 38; ils artitgels 30 fin 32 èn applitgabels confurm al senn. Sch'igl è necessari, po il Cussegl federal extender questas mesiras ad interim sin tut las persunas che pervegnan da territoris periclitads.

⁴ L'UFSP po refusar ad interim la partenza da la Svizra a las persunas malsauunas, suspectadas d'esser malsauunas, infectadas u suspectadas d'esser infectadas ubain che emettan scherms infectus, sche quai è necessari per impedir ch'ina malsogna transmissibla sa derasia.

Art. 42 Preparaziun en ils manaschis

¹ Ils gesturs da ports e d'eroports fan las preparaziuns necessarias en il manaschi per realisar las mesiras tenor l'artitgel 41. Els han agens plans d'urgenza.

² Il Cussegl federal designescha ils gesturs da ports e d'eroports che ston metter a disposiziun las capacitads necessarias tenor l'agiunta 1 B dal Reglament sanitair internaziunal (2005) dals 23 da matg 2005⁵.

Art. 43 Obligaziun da cooperar

¹ Las interpresas che fan circular persunas en il traffic transconfinal da viafier, da bus, da nav u d'eroplan, ils gesturs d'eroports e da ports, las staziuns da viafier e da bus sco er ils organisaturs da viadis coopereschon per realisar las mesiras tenor l'artitgel 41. En il rom da lur pussaivladads gestiunarias e tecnicas pon els vegin obligads:

- a. d'infurmars las viagiaturas ed ils viagiaturas davart ils privels da las malsognas transmissiblas e davart las pussaivladads da las evitar e da las cumbatter;
- b. da registrar las datas necessarias per identifitgar ina persuna u per constatar a temp las persunas malsauunas, suspectadas d'esser malsauunas, infectadas u suspectadas d'esser infectadas ubain che emettan scherms infectus;
- c. da metter a disposiziun a las autoritads cumpetentas glistas da viagiaturas e viagiaturas ubain da rauba;
- d. da possibiliter visitas medicalas da viagiaturas e viagiaturas;
- e. da garantir il transport en in ospital u en in'autra instituziun adattada da las persunas malsauunas, suspectadas d'esser malsauunas, infectadas u suspectadas d'esser infectadas ubain che emettan scherms infectus.

² Ellas ed els mettan a disposiziun las capacitads necessarias per il manaschi ed il personal necessari per realisar las mesiras tenor l'alinea 1.

⁵ CS 0.818.103



4. secziun: Mesiras spezialas

Art. 44 Provediment cun medicaments

¹ Il Cussegli federal procura per il provediment da la populaziun cun ils medicaments ils pli impurtants per cumbatter malsognas transmissiblas, sch'el na po betg garantir quest provediment tras mesiras tenor la Lescha federala dals 8 d'october 1982⁶ davart il provediment economic dal pajais.

² Il Cussegli federal po relaschar prescripziuns davart:

- a. l'attribuziun dals medicaments;
- b. la distribuziun dals medicaments;
- c. la facilitaziun da l'import e la restricziun u il scumond da l'export da medicaments, sche questas mesiras èn necessarias per evitare ina ristga per la sanadad;
- d. la provisiun da medicaments en ospitals ed en ulteriuras instituziuns dals fatgs da sanadad.

³ Il Cussegli federal po prevair mesiras per proveder cun medicaments las Svizras ed ils Svizzers a l'exterior.

Art. 45 Circulaziun da rauba

¹ Il Cussegli federal po relaschar prescripziuns davart il transport, davart l'import e l'export e davart il transit da rauba che pudess cuntegnair scherms infectus. El po en spezial:

- a. fixar las pretensiuns envers las mesiras da protecziun en il transport da rauba;
- b. prescriver d'analisar, sche la rauba cuntegna tscherts scherms infectus;
- c. relaschar restricziuns e scumonds per il transport sco er per l'import, per l'export e per il transit da rauba.

² Il Cussegli federal po incumbensar ils chantuns da realisar singulas mesiras.

Art. 46 Transport da baras

¹ Il Cussegli federal relascha las prescripziuns necessarias davart il transport e la sepultura da baras.

² El regla il transport da baras tras la Svizra, da l'exterior en Svizra e da la Svizra a l'exterior.

Art. 47 Cumbat cunter organissem

¹ Sch'i cumparan organissem che pon transmetter scherms infectus a l'uman, prenidan ils posts federais ed ils posts chantunals cumpetents – en coordinaziun vicendaivla – las mesiras necessarias per cumbatter queste organissem u per evitare lur cumparsa.

⁶ CS 531

² Las interpresas che fan circular persunas en il traffic da viafier, da bus, da nav u d'eroplan, ils gesturs d'eroports e da ports, las staziuns da viafier e da bus sco er ils organisaturs da viadis coopereschan per realisar questas mesiras.

Art. 48 Dischinfecziun ed antisepziun

¹ Per impedir la derasazion da malsognas transmissiblas procuran las autoritads chantunalas cumpetentas per la dischinfecziun e per l'antisepziun, en spezial da meds da transport e da rauba.

² Las interpresas che fan circular persunas en il traffic da viafier, da bus, da nav u d'eroplan, ils gesturs d'eroports e da ports, las staziuns da viafier e da bus sco er ils organisaturs da viadis coopereschan per realisar la dischinfecziun e l'antisepziun.

Art. 49 Certificats en il traffic da nav

Las autoritads chantunalas cumpetentas emettan ils certificats sanitars necessaris per il traffic transconfinal da nav.

6. chapitel: Mesiras da promozion

Art. 50 Agids finanzials ad organisaziuns publicas e privatas

En il rom dals credits permess po l'UFSP conceder agids finanzials ad organisaziuns publicas e privatas a favur da mesiras en l'interess public d'importanza naziunala per identifigar, per survegiliar, per evitar e per cumbatter malsognas transmissiblas.

Art. 51 Promozion da la producziun da medicaments

¹ La Confederaziun po promover – cun agids finanzials – la producziun en Svizra da medicaments tenor l'artitgel 44, sch'il provediment da la populazion na po betg vegnir garanti autramain ubain en situaziuns particularas u extraordinarias.

² En il rom dals credits permess po la Confederaziun conceder ils agids finanzials en furma da contribuziuns da basa, en furma da contribuziuns d'investizion ed en furma da contribuziuns liadas ad in project.

³ La Confederaziun po pajar las contribuziuns, sche la producenta u il producent:

- a. ha cumprovadomain las enconuschienschas e la capacidad da sviluppar u da producir tals medicaments;
- b. s'oblighescha da producir tals medicaments en Svizra; e
- c. garantescha da furnir tals medicaments cun preferenza a las autoritads en situaziuns particularas ed extraordinarias.

Art. 52 Indemnisaziuns a labors

L'UFSP conceda indemnisiuni als labors ch'en designnads sco centers naziunals da referencia u sco labors da conferma per las expensas che als resultan en il rom da lur incumbensas spezialas.



7. chapitel: Organisaziun e procedura

1. seziun: Organs dals chantuns e da la Confederaziun

Art. 53 Media chantunala u medi chantunal

- 1 Mintga chantun designescha ina media chantunala u in medi chantunal. Plirs chantuns pon designar cuminaivlamax ina media chantunala u in medi chantunal.
- 2 La media chantunala u il medi chantunal coordinescha sias activitads cun quellas d'autras autoritads u instituziuns ch'en participadas al cumbat cunter malsognas transmissiblas. Sche la cumparsa d'ina malsogna transmissibla stat en connex cun in aliment, instruescha ella u el la chemicista chantunala u il chemicist chantunal.
- 3 Il Cussegli federal fixescha las premissas professionalas da las medias chantunalias e dals medis chantunals.

Art. 54 Organ da coordinaziun

- 1 La Confederaziun ed ils chantuns institueschan in organ per promover la collavariun (organ da coordinaziun). Per tscherts temas, en spezial per identifigar, per survegliar, per evitare e per cumbatter zoonosas pon vegnir instituids organs subordinads.
- 2 L'organ da coordinaziun e ses organs subordinads sa cumponan da representantatas e representantants da la Confederaziun e dals chantuns. En cas da basegn pon els vegnir cumplettadds cun ulteriuras persunas dal fatg.
- 3 Ils organs da coordinaziun han en particular las suandantas incumbensas:
 - a. coordinar las mesiras per sa preparar a situaziuns che cuntegnan in privel spezial per la sanadad publica;
 - b. coordinar las mesiras d'identificazion, da preventiun e da cumbat;
 - c. promover in'execuziun unitara;
 - d. coordinar l'infurmaziun e la communicaziun;
 - e. gidar l'organ d'acziun da la Confederaziun a dumagnar situaziuns particularess ed extraordinarias.
- 4 Il Cussegli federal regla l'instituziun e la direcziun da l'organ da coordinaziun e das organs subordinads.

Art. 55 Organ d'acziun

- 1 Il Cussegli federal posseda in organ d'acziun per eveniments che pon provocar in privel spezial per la sanadad publica, cunzunt per dumagnar ina situaziun particulara u extraordinaria.
- 2 L'organ d'acziun ha las suandantas incumbensas:
 - a. cussegiar il Cussegli federal;
 - b. gidar la Confederaziun ed ils chantuns a coordinar las mesiras.

Art. 56 Cumissiun federala per vaccinaziuns

¹ La Cumissiun federala per vaccinaziuns cusseglia il Cussegħi federal en connex cun relaschar prescripziuns sco er las autoritads cun l'execuziun da questa lescha.

² La cumissiun ha en spezial las suandantas incumbensas:

- a. elavurar recumandaziuns da vaccinazion destinadas per l'UFSP;
- b. sviluppar criteris medicinals per giuditgar la grevezza d'ina reacziun a la vaccinaziun;
- c. cussegljar il DFI per conceder ina indemnisiatiun (art. 64) u ina satisfacziun (art. 65).

³ Ella sa cumpona da spezialistas e spezialists d'ordaifer l'administraziun che han enconusclientschas scientificas e praticas en dumondas da vaccinaziun.

⁴ Ella collavura cun autres autoritads federalas e chantunalas che s'occupan da vaccinaziuns.

Art. 57 Cumissiun federala spezialisada per la segirezza biologica

La Cumissiun federala spezialisada per la segirezza biologica cusseglia il Cussegħi federal en connex cun relaschar prescripziuns e las autoritads en connex cun l'execuziun da questa lescha.

2. secziun: Elavuraziun da datas

Art. 58 Elavuraziun da datas persunalas

¹ L'UFSP, las autoritads chantunalas cumpetentas e las instituziuns publicas e privatas che adempleschan incumbensas tenor questa lescha pon elavur u laschar elavurar datas da persunas, inclusiv las datas concernent la sanadad, sche quai ġe necessari per identifitgar las persunas malsauñas, suspectadas d'esser malsauñas, infectadas u suspectadas d'esser infectadas ubain che emettan scherms infectus, e quai en vista a mesiras per proteger la sanadad publica, en spezial per identifitgar, per survegliar e per cumbatter malsognas transmissiblas.

² Els ġe responsabels che las prescripziuns davart la protecziun da datas vegnian observadas.

³ Las datas dastgħan vegħni t-tegnidas en salv durant maximalmain diesch onns, nun che las particularitads da la malsogħa pretendia da las tegħnir en salv pli dtig. Las datas vegħna allura destruidas u anonimisadas.

Art. 59 Communicaziun da datas da persunas

¹ Ils posts federrals e chantunals cumpetents per l'execuziun da questa lescha pon sa communitgar vicendaiylamain las datas da persunas, inclusiv las datas concernent la sanadad, ch'els dovran per ademplir las incumbensas che questa lescha als confereċċha.

² En spezial pon els communitgar las suandantas datas:



- a. num, prenum, addressa, data da naschientscha ed activitat professiunala;
- b. indicaziuns davart las rutas da viadi, ils lieus da dimora ed ils contacts cun persunas, cun animals e cun objects;
- c. ils resultats da visitas medicalas;
- d. ils resultats da scleriments epidemiologics;
- e. indicaziuns davart l'appartegnientscha ad ina tscherta gruppera da ristga;
- f. indicaziuns davart mesiras per evitar e per cumbatter ina malsogna transmissible.

³ Sch'igl è necessari d'impedir ch'ina malsogna transmissibla sa derasia, pon l'UFSP e las autoritads chantunalas cumpetentas per l'execuzion da questa lescha communitgar datas da persunas, inclusiv las datas concernent la sanadad, a las suandantas persunas ed autoritads:

- a. medias e medis incumbensads da tractar las malsognas transmissiblas;
- b. autoritads chantunalas che adempleschan incumbensas en il sectur da l'identificaziun, da la surveglianza, da la preventziun e dal cumbat cunter malsognas transmissiblas;
- c. autres autoritads federalas, sche quai è necessari per l'execuzion dals relaschs che ston vegnir appligads da questas autoritads.

Art. 60 Sistem d'infurmazion

¹ L'UFSP maina in sistem d'infurmazion, en il qual vegnan registradas datas da persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus.

² Il sistem d'infurmazion cuntegna las suandantas datas:

- a. datas davart l'identidad, che permettan d'identifitgar cleramain las persunas e d'entrar en contact cun ellas;
- b. indicaziuns davart las rutas da viadi, ils lieus da dimora ed ils contacts cun persunas, cun animals e cun objects;
- c. resultats da visitas medicalas;
- d. indicaziuns davart mesiras per evitar e per cumbatter ina malsogna transmissible.

³ Il sistem d'infurmazion serva:

- a. ad identifitgar ed ad infumar persunas malsaunas, suspectadas d'esser malsaunas, infectadas u suspectadas d'esser infectadas ubain che emettan scherms infectus;
- b. ad organizar mesiras envers singulas persunas en il senn dals artitgels 33 fin 38.

⁴ Il sistem serva plinavant ad elavurar en moda unitara datas tras las autoritads cumpetentas, a cumpilar statisticas ed a controllar l'execuzion.

⁵ L'UFSP è responsabel per la segirezza dal sistem d'infurmazion e per la legalitat da l'elavuraziun da las datas da persunas. En lur sectur da cumpetenza prendan ils

chantuns las mesiras organizatoricas e tecnicas adequatas per garantir la segirezza da las datas da persunas.

⁶ L'UFSP verifitgescha, sche las datas ch'èn vegnidas transmessas ad el èn correctas. El curregia datas incorrectas, destruescha datas che n'èn betg necessarias ed infurmeschia ils furniturs respectivs da las datas.

⁷ Il sistem d'infurmazion stat a disposiziun – sur ina procedura da consultazion – al UFSP, als posts chantunals cumpetents per l'execuzion da questa lescha ed al Servetsch sanitar coordinà, per liquidar incumbensas che stattan en connex cun lur champ da cumpetenza.

⁸ Il Cussegli federal fixescha las premissas per tegnair en salv e per destruir las datas e regla ils dretgs d'access.

⁹ Il dretg da survegnir infurmaziuns davart las datas ch'èn cuntegnidas en il sistem d'infurmazion ed il dretg da laschar curreger las datas sa drizzan tenor ils artitgels 5 ed 8 da la Lescha federala dals 19 da zercladur 1992⁷ davart la protecziun da datas. Las dumondas da survegnir il dretg d'access a las datas da persunas e da las pudair curreger ston vegnir drizzadas al UFSP.

Art. 61 Indicaziuns statisticas

L'Uffizi federal da statistica metta mintga onn a disposiziun al UFSP, per intents da statistica, las datas or da la statistica dals motivs da la mort ed or da la statistica medicinala dals ospitals.

Art. 62 Communicazion da datas da persunas ad autoritads da l'exterior

¹ Per exequir questa lescha dastgan l'UFSP e las autoritads chantunals cumpetentas communitgar datas da persunas, inclusiv datas concernent la sanadad, a las autoritads da l'exterior che han incumbensas correspondentes sco er ad organisaziuns supranaziunalas ed internaziunalas, sch'il stadi respectiv e cunzunt sia legislaziun ubain sche l'organisazion supranaziunala ed internaziunala garanteschan ina protecziun adequata da la personalitat da las persunas pertutgadas.

² En spezial pon els communitgar las suandantas datas:

- a. num, prenum, addressa, data da naschientscha ed activitat professiunala;
- b. indicaziun davart las rutas da viadi, ils lieus da dimora ed ils contacts cun persunas, cun animals e cun objects;
- c. ils resultats da visitas medicinalas;
- d. ils resultats da scleriments epidemiologics;
- e. indicaziuns davart l'appartegnientscha ad ina tscherta gruppda ristga;
- f. indicaziuns davart mesiras per evitar e per cumbatter ina malsogna transmisible.

³ Sch'i manca ina legislaziun che garantescha ina protecziun adequata, pon las datas vegnir communitgadas mo, sche:

⁷ CS 235.1



- a. garanzias suffizientas, en spezial contractualas, garanteschan ina protecziun adequata a l'exterior;
- b. la persuna pertutgada ha dà ses consentiment en il cas singul;
- c. la communicaziun è indispensabla en il cas singul per mantegnair la sanadad publica; u
- d. la communicaziun è necessaria en il cas singul per proteger la vita u l'integritat corporala da la persuna pertutgada.

8. chapitel: Indemnisaziun

1. secziun:

Indemnisaziuns da donns ch'en resultads pervia da mesiras da l'autoritad

Art. 63

L'autoritad che ha ordinà ina mesira tenor ils artitgels 33 fin 38 sco er 41 alinea 3 po indemnissar persunas, resguardond las relaziuns economicas da las persunas che han subi donns pervia da la mesira da l'autoritad, sch'il donns na pon betg vegnir cuvrids autramain.

2. secziun:

Indemnisaziun e satisfacziun en cas da donns chaschunads da vaccinaziuns

Art. 64 Indemnisaziun

¹ Tgi che subescha in donn pervia d'ina vaccinaziun ordinada u recumandada da las autoritads ha il dretg da survegnir ina indemnisiaciun.

² L'indemnisaziun vegn concedida mo, sch'il donn – malgrà stentas raschunaivlas – na po betg vegnir cuvri autramain.

Art. 65 Prestaziun da satisfacziun moral

¹ Tgi che subescha in donn pervia d'ina vaccinaziun ordinada u recumandada da las autoritads ha il dretg d'ina prestaziun da satisfacziun moral, sche la grevezza dal donn giustifitgescha quai; ils artitgels 47 e 49 dal Dretg d'obligaziuns⁸ vegnan appligads confurm al senn.

² La prestaziun da satisfacziun moral vegn calculada tenor la grevezza dal donn.

³ Ella importa maximalmain 70 000 francs.

⁴ La prestaziun da satisfacziun moral vegn concedida mo, sche terzas persunas na fan nagina prestaziun u na fan betg ina prestaziun suffizienta. Ella vegn reducida en la dimensiun da las prestaziuns da satisfacziun da terzas persunas.

⁸ CS 220

Art. 66 Dumonda, termins e tschains

¹ Tgi che vul far valair ses dretg da survegnir ina indemnisiun u ina prestaziun da satisfacziun moral a sto inoltrar ina dumonda al DFI.

² Tgi che ha subi in donn pervia d'ina vaccinaziun sto inoltrar la dumonda da survegnir ina indemnisiun u ina satisfacziun fin al 21avel onn da vegliadetgna cumplenì u entaifer tschingt onns suenter la vaccinaziun.

³ Per l'indemnisiun e per la satisfacziun na veggan debitads nagins tschains.

Art. 67 Reducziun u exclusiun da l'indemnisiun e da la prestaziun da satisfacziun moral

Il DFI po reducir u excluder cumplettamain l'indemnisiun e la prestaziun da satisfacziun moral, sche la persuna donnegiada ha contribuì essenzialmain a chashunar il donn.

Art. 68 Repartiziun dals custs

¹ En cas da vaccinaziuns recumandadas surpiglian la Confederaziun ed il chantun, en il qual la vaccinaziun è veginida fatga, ils custs da l'indemnisiun u da la satisfacziun mintgamaì per la mesadad.

² En cas da vaccinaziuns obligatoricas suriglia ils custs cumplains da l'indemnisiun u da la satisfacziun:

- a. la Confederaziun, sch'ella ha declerà la vaccinaziun sco obligatorica;
- b. il chantun che ha declerà la vaccinaziun sco obligatorica.

Art. 69 Cumpetenza e procedura

¹ Il DFI decida suenter avair tadlà la Cumissiun federala per vaccinaziuns ed il chantun pertutgà sch'ina indemnisiun u ina satisfacziun vegg pajada.

² Tgi che dumonda ina indemnisiun u ina satisfacziun sto cumprovar vardaivilamain ch'ella u el n'ha betg survegnì prestaziuns da terzas personas u che quellas n'èn betg suffizientas.

³ Dal rest sa drizza la procedura da recurs tenor las disposiziuns generalas da l'Organisaziun giudiziala.

3. secziun: Pajament dal donn subì d'ina producenta u d'in producent

Art. 70

¹ La Confederaziun po s'obligar da pajar il donn che la persuna che producescha in medicament tenor l'artitgel 44 ha subì en consequenza dal diever recumanda u ordinà dad ella sin fundament d'ina situazion speziala u extraordinaria.

² La dimensiun e las modalitads dal pajament dal donn veggan fixadas en ina cunvegna tranter la Confederaziun e la producenta u il producent.



9. chapitel: Finanziaziun

Art. 71 Custo a la mesura d'una canta de custos

Ils chantuns surpiglian ils custs per:

- a. las mesiras envers la populaziun u envers singulas persunas, sch'i ils custs na vegnan betg surpigliads autramain;
- b. ils scleriments epidemiologics tenor l'artitgel 15 alinea 1.

Art. 72 Custo a la mesura d'una dischinfecziun u d'una antisepziun

La possessura u il possessor d'in med da transport, d'in implant u d'ina rauba surpiglia ils custs da la dischinfecziun u da l'antisepziun.

Art. 73 Custo per il provediment cun medicaments

¹ La Confederaziun surpiglia ils custs per il provediment da la populaziun cun medicaments tenor l'artitgel 44.

² Sch'i vegnan consegnads medicaments, vegnan surpigliads ils custs tenor las premissas:

- a. da la Lescha federala dals 18 da mars 1994⁹ davart l'assicuranza da mala-sauns;
- b. da la Lescha federala dals 20 da mars 1981¹⁰ davart l'assicuranza cunter accidents;
- c. da la Lescha federala dals 19 da zercladur 1992¹¹ davart l'assicuranza militara;

³ Sch'iils custs na vegnan betg surpigliads dal tuttafatg u per part tenor l'alinea 2, als surpiglia la Confederaziun.

Art. 74 Custo da mesiras en la circulaziun internaziunal da persunas

¹ La Confederaziun surpiglia ils custs per la visita, per la surveglianza, per la quarantina, per l'isolaziun e per il tractament da viagiaturas internaziunals e viagiaturas internaziunals, sche las mesiras respectivas èn vegnididas ordinadas da ses organs, sco er ils custs da l'obligazion da cooperar tenor l'artitgel 43 alinea 1 literas b, d ed e.

² Las interpresas che fan circular sin plaun transconfinal persunas en il traffic da viafier, da bus, da nav u d'eroplan, ils gesturs d'eroports e da ports, las staziuns da viafier e da bus sco er ils organisaturs da viadis surpiglian ils custs che resultan da la preparaziun tenor l'artitgel 42 e da l'obligazion da cooperar tenor l'artitgel 43 alinea 1 literas a e c. La Confederaziun po sa participar a las expensas ed als custs extraordinaris, sche quels chaschunan ina grevezza economica excessiva per las interpresas pertutgadas.

⁹ CS 832.10

¹⁰ CS 832.20

¹¹ CS 833.1

10. chapitel: Execuziun

1. secziun: Chantuns

Art. 75 Princip

Ils chantuns exequeschon questa lescha, uschenavant che la Confederaziun n'è betg cumpetenta per quai.

Art. 76 Rapport

- 1 Ils chantuns rapportan al DFI davart l'execuziun da la lescha.
- 2 Il Cussegl federal regla la frequenza, la furma ed il cuntegn dal rapport.

2. secziun: Confederaziun

Art. 77 Surveglianza e coordinaziun

- 1 La Confederaziun surveglia l'execuziun da questa lescha tras ils chantuns.
- 2 Ella coordinescha las mesiras executivas dals chantuns, sch'i dat in interess per in'execuziun unitara.
- 3 Per quest intent po ella:
 - a. prescriver als chantuns da prender mesiras per in'execuziun unitara;
 - b. ordinar als chantuns – en cas d'in privel per la sanadad publica – da realisar tschertas mesiras executivas;
 - c. obligar ils chantuns d'infurmarr la Confederaziun davart las mesiras executivas;
 - d. far prescripziuns als chantuns per lur plans da preparaziun e d'urgenza.

Art. 78 Disposiziuns executivas

- 1 Il Cussegl federal relascha las disposiziuns executivas.
- 2 El po surdar a l'Uffizi federal cumpetent da relaschar disposiziuns executivas resguardond lur impurtanza.

Art. 79 Delegaziun d'incumbensas executivas

- 1 Il Cussegl federal po delegar incumbensas executivas ad organisaziuns ed a persoas dal dretg public u privat.
- 2 El surveglia las organisaziuns e las persoas, a las qualas èn affidadas las incumbensas executivas.
- 3 Las organisaziuns e las persoas dal dretg public u privat che adempleschan incumbensas executivas tenor l'alinea 1 han il dretg da survegnir ina indemnisiaziun. Il Cussegl federal regla la dimensiun e las modalitads da l'indemnisaziun.



Art. 80 Collavuraziun internaziunal

¹ Il Cussegħ federal po concluder cunvegħas internaziunalas davart:

- a. il barat da datas che servan a la surveglianza epidemiologica;
- b. l'infurmazjoni vicendaivla davart l'erupziun e davart la derasaziun da malsoġñas transmissiblas;
- c. l'infurmazjoni immediata, sch'i smanatscha in privel che malsognas transmissiblas surpassian ils cunfins naziunals;
- d. l'armonisaziun da las mesiras per identifitgar, per survegħiar, per evitar e per cumbatter malsognas transmissiblas;
- e. il transport da baras suror ils cunfins naziunals.

² Ihs posts federałi cumpetenti collavurant cun autoritātēs ed instituziuns da l'exterior sco er eun organisazioni internaziunalas.

³ L'UFSP surpiglia las incumbensas dal Post naziunal da consultazjoni previs tenor il Reglement sanitari internaziunal (2005) dals 23 da matg 2005¹². En spezial annunzia el a l'OMS ihs evenimenti che pon chaschunar ina situaziun sanitara d'urgenza d'impurtanza internaziunala.

Art. 81 Evaluaziun

Il Cussegħ federal examinescha periodicamain l'efficacitad, l'adequatezza e la rentabilitad da las mesiras tenor questa lescha.

11. chapitel: Disposiziuns penales

Art. 82 Delicts

¹ Sch'i na dat betg in akt chastiabel pli grev tenor il Cudesch penal¹³, vegn chastià cun in chasti d'emprascħunament da fin trais onns u cun in chasti pecunar tgi che sapientivamain:

- a. tralascha da prender las mesiras necessarias en aktivitātēs cun scherms infectus privlus per l'utilisaziun da tals en sistems serrads (art. 26);
- b. emetta u metta en circulaziun senza autorisaziun scherms infectus en in experiment (art. 27);
- c. metta en circulaziun scherms infectus senza infurmari tenor las prescripziuns ils acquisiturs davart las qualitātēs e davart ils privels da quels per la sanidad sco er davart las mesiras da precauzjoni e da proteċzjoni necessarias (art. 28);
- d. cuntrafa a la restricziun da tschertas aktivitātēs e d'exercitar la professiun (art. 38).

² Tgi che agesha per negligentscha survegn in chasti pecunar per il delict tenor l'alinea 1.

¹² CS **0.818.103**

¹³ CS **311.0**

Art. 83 Surpassaments

¹ Cun ina multa vegen chastià, tgi che sapientivamain:

- a. violescha l'obligaziun d'annunzia (art. 12);
- b. fa senza autorisazion in'analisa microbiologica per identifitgar malsognas transmissiblas (art. 16);
- c. violescha las prescripziuns davart la prevenziun da la transmissiun da malsognas (art. 19);
- d. emetta senza autorisazion in certificat internaziunal da vaccinaziun u da profilaxa (art. 23);
- e. violescha l'obligaziun d'avair quità en l'utilisaziun da scherms infectus u da lur products toxicis (art. 25);
- f. violescha las ulteriuras prescripziuns en l'utilisaziun da scherms infectus (art. 29);
- g. sa privescha d'ina surveglianza medicinala ordinada (art. 34);
- h. sa privescha d'ina quarantina u isolazion ordinada (art. 35);
- i. sa privescha d'ina visita medicala ordinada (art. 36);
- j. s'opporna cunter mesiras envers la populaziun (art. 40);
- k. violescha las prescripziuns davart l'entrada en Svizra u la partenza da la Svizra (art. 41);
- l. violescha obligaziuns da cooperar (art. 43, 47 al. 2 e 48 al. 2);
- m. violescha las prescripziuns davart il transport sco er davart l'import, davart l'export e davart il transit da rauba (art. 45).

² Tgi che agescha per negligentscha survegn ina multa fin a 5000 francs per il surpassament tenor l'alinea 1.

Art. 84 Cumpetenza e dretg penal administrativ

¹ La persecuziun ed il giudicament d'acts chastiabels èn chaussa dals chantuns.

² Ils artitgels 6 e 7 (cuntravensiuns en manaschis) sco er 15 (sfalsificaziun da documents, obtegnair tras fraud ina documentazion publica faussa) da la Lescha federala dals 22 da mars 1974¹⁴ davart il dretg penal administrativ valan er per las autoritads chantunalias.

12. chapitel: Disposiziuns finalas

Art. 85 Abolizion dal dretg vertent

Las suandantas leschas federalas vegen abolidas:

¹⁴ CS 313.0



1. Lescha federala dals 18 da december 1970¹⁵ davart il cumbat cunter malsognas transmissiblas da l'uman;
2. Lescha federala dals 13 da zercladur 1928¹⁶ davart mesiras cunter la tuberculos.

Art. 86 Midada dal dretg vertent

Las leschas federalas qua sutwart vegnan midadas sco suonda:

1. Cudesch penal¹⁷

Art. 231

Derasaziun da malsognas da l'uman

Tgi che derasa per nausch caracter ina malsogna da l'uman privlusa e transmissibla, vegn chastià cun in chasti d'empraschunament dad in fin tschintg onns.

2. Lescha penal militara¹⁸

Art. 167

Derasaziun da malsognas da l'uman

Tgi che derasa per nausch caracter ina malsogna da l'uman privlusa e transmissibla, vegn chastià cun in chasti d'empraschunament dad in fin tschintg onns.

3. Lescha federala dals 18 da mars 1994¹⁹ davart l'assicuranza da malsauns

Art. 46 al. 1bis

^{1bis} Er ils chantuns pon esser partidas d'in contract tariffar, sch'i sa tracta da mesiras da la preventiun medicinala tenor l'artitgel 26, che vegnan realisadas en il rom da programs organisads sin plaun naziunal u chantunal tenor l'artitgel 64 alinea 6 litera d.

Art. 87 Disposiziuns transitoricas

1 Las autorisaziuns tenor ils artitgels 5 alinea 1^{bis}, 29a alinea 1 e 29c alinea 2 da la Lescha d'epidemias dals 18 da december 1970²⁰ valan fin a la scadenza da la durada da l'autorisaziun, maximalmain dentant fin tschintg onns suenter l'entrada en vigur da questa lescha.

2 Las renconuschienschas tenor l'artitgel 5 alinea 1 da la Lescha d'epidemias dals 18 da december 1970 valan fin a la scadenza da la valaivladad, maximalmain dentant fin tschintg onns suenter l'entrada en vigur da questa lescha.

¹⁵ CULF 1974 1071; 1985 1992, 1991 362, 1997 1155, 2000 1891, 2001 2790, 2003 4803, 2005 2293, 2006 4137

¹⁶ CULF 44 731; 1954 559, 1964 965, 1968 66, 1974 1071, 1975 2512, 1977 315 2249, 1985 1992, 1991 362, 2006 2197

¹⁷ CS 311.0

¹⁸ CS 321.0

¹⁹ CS 832.10

²⁰ CULF 1997 1155, 2001 2790

³ Ils labors che fin a l'entrada en vigor da questa lescha n'eran ni obligads da du-mandar in'autorisaziun, ni disponivan d'ina renconuschientscha valaivla, ma che dovrano in'autorisaziun suenter l'entrada en vigor da questa lescha, ston inoltrar la dumonda da survegnir in'autorisaziun entaifer in onn suenter l'entrada en vigor da questa lescha. Ils labors dastgan far ulteriuras analisas fin ch'igl è avant maun la decisiun d'autorisaziun da l'autoritad federala cumpetenta.

Art. 88 Referendum ed entrada en vigor

¹ Questa lescha è suttamessa al referendum facultativ.

² Il Cusseglo federal fixescha l'entrada en vigor.

Midada da la Lescha da lavur

La dumonda da votaziun è la suandanta:

Vulais Vus acceptar la midada dals 14 da decembre 2012
da la Lescha federala davant la lavur en l'industria, en il mastergn
ed en il commerzi (**Lescha da lavur, LL**)?

Il Cussegl federal ed il parlament recumondan d'acceptar la midada da la Lescha da lavur.

Il Cussegl naziunal ha acceptà il project cun 128 counter 59 vuschs
e 2 abstensiuns, il Cussegl dals chantuns cun 29 counter 11 vuschs
e 3 abstensiuns.

Il pli important en furma concisa

Oz dastga il persunal da tancadis sin pausadis d'autostrada e per lung da las vias principales cun bler traffic da viadi bain vender da tuttas uras carburant sco er servir café ed offrir pitschnas marendas. Las curunas dals negozis da tancadi ston dentant restar serradas tranter l'ina e las tschintg la damaun, perquai che la vendita da rauba n'è betg permessa durant quest temp.

Situaziun
actuala

La midada previsa da la Lescha da lavur permetta che era ils negozis da questi tancadis speziali restan averts di e notg, sche la purschida tegna quint en emprima lingia dals basegnis da las viagiaturas e dals viagiaturi. Per tut ils auters negozis da tancadi vala il princip dal scumond da lavurar la notg e la dumengia er en l'avegnir.

Finamira da la
midada da lescha

Cunter la revisiun èsi vegni lantschà in referendum. I vegn temì che la midada da lescha dettia libra via a dapli lavur da notg e da dumengia en tut il commerzi en detagi.

Pertge il
referendum?

Il Cussegli federal ed il parlament recumondan d'acceptar la midada da la Lescha da lavur. Las consequenzas èn mode-
stas: Mo paucs negozis da tancadi pertutgads ston engaschar persunal supplementar.

Puntg da vista
dal Cussegli federal
e dal parlament

Il project en detagi

Tenor la regulaziun actuala dastgan ils tancadis emploiar persunal per vender carburant e per manar cafetarias la notg e la dumengia. Per vender rauba en in negozi da tancadi vala percuter il princip dal scumond da lavurar la notg e la dumengia. In'exceptziun èn ils negozis da tancadi sin ils pausadis d'autostrada e per lung da las vias principales cun bler traffic da viadi: Els dastgan occupar persunal da las tschintg la damaun fin l'ina la notg e la dumengia. La cundiżiun è dentant che lur purschida da rauba e da servetschs tegnia quint surtut dals basegns specifics da las viagiaturas e dals viagiaturi.

Reglamentaziun
actuala

Tancadi, cafetaria da tancadi, negozi da tancadi

Ils tancadis vendan carburants, ma adina pli savens er paunins frestgs, bavrondas chaudas, pasta da dents e bler auter. En in manaschi da tancadi valan dentant differentas prescripcziuns per il tancadi, per la cafetaria e per il negozi. Il tancadi cumpiglia en emprima lingia la vendita da carburant vi dals distributurs da carburant; la cafetaria porscha plazzas da seser e maisas da star en pe per baiver e mangiar; en il negozi vegnan offrids products sin curunas d'autoservetsch.

Per las regulaziuns da la Lescha da lavur è cumpetenta la Confederaziun, ellas valan sco rom giuridic per tut il pajais. Per las uras d'avertura dals negozis èn percuter cumpetents ils chantuns: Els pon decider libramain – entaifer il rom dal dretg federal – davart las uras d'avertura dals negozis maximalmain pussaivlas. Il rom federal na vegn dentant mai tratg a niz cumplainamain en tut ils chantuns: En blers lieus avran ils negozis da tancadi pli tard u serran pli baud che la regulaziun davart l'engaschament da lavurantas e da lavurants en la Lescha da lavur permettess.

Cumpetenças

La midada da lescha previsa pertutga mo il rom da la Lescha da lavur e betg las uras d'avertura dals negozis. Ella stgaffescha las premissas legalas per che tscherts negozis da tancadi possian occupar il persunal di e notg. Ella pertutga sulettamain ils negozis da tancadi sin pausadis d'autostrada e per lung da las vias principales cun bler traffic da viadi, sche la purschida tegna quint en emprima lingia dals basegns da las viagiaturas e dals viagiaturi. Cunquai che queste tancadis e las cafetarias da tancadi èn gia oz savens averts di e notg, ha da vegnir engaschè persunal suplementar per incassar la rauba che vegn vendida en il negozi da tancadi mo en cas excepziunals. La midada da lescha vegn pia ad avair consequenzas minimalas per il dumber da laverantas e da laverants che lavuran la notg.

Nov da tuttas uras

Lavur da notg e da dumengia en tancadis

	lavur da notg	Lavur da dumengia
vendita da carburant e cafetaria	permess	permess
negozi da tancadi sin pausadis d'autostrada e per lung da las vias principales cun bler traffic da viadi	permess (fin ussa mo permess fin l'ina) suletta midada	permess
tut ils ulteriurs negozis da tancadi	scumandà	scumandà

Las prescripcziuns legalas vertentas davart ils negozis da tancadi cun lavur da notg e da dumengia restan en vigur: Ellas valan per ils negozis da tancadi sin pausadis d'autostrada e per lung da las vias principales cun bler traffic da viadi. La definiziun d'in pausadi d'autostrada è fixada en la legislaziun federala davart las vias naziunalas. Las vias principales cun bler traffic da viadi èn vias che collian lieus pli grondas resp. chantuns u stadiis in cun l'auter e nua ch'il traffic da viadi principal circulescha sur distanzas pli grondas. Il traffic pendular quotidian tranter lieus vischins, il traffic en aglomeraziuns ed il traffic local na tutgan betg latiers.

Nagini
midadas pertutgant
la situaziun...

Valair vinavant valan er las disposiziuns davart il sortiment: Ils negozis da tancadi cun lavur da notg e da dumengia ston avair in sortiment da rauba e da servetschs che tegna quint en emprima lingia dals basegns da las viagiaturas e dals viagiaturdays. La purschida sto pia s'orientar al basegn fundamental da quels: artitgels da mangiar e d'igiena, gasettas e revistas e.u.v. Quai na correspunda pia betg ad in sortiment cumplet. Ultra da quai dastga vegnir vendì mo tanta rauba sco ch'ina persuna po purtar.

...ed il sortiment

Ils arguments dals comités da referendum

Na al di da lavur da 24 uras!

Il Cussegli federal e la maioritad dal parlament vulan peginar la Lescha da lavur. Per l'emprima giada duai vegnir introduci il di da lavur da 24 uras tar il commerzi en detagi. La consequenza vegn ad esser dapli lavur da notg e da dumengia. Ina vast'allianza che cumpiglia spezialists da sanadad, sindicats, organisaziuns ecclesiasticas, partidas ed organisaziuns da dunnas ha lantschà in referendum cunter quai.

Emballadi d'embrugl privlus

La midada da lescha signifitga ina ruptura en il sistem: Quai che vala oz tar la butietta da tancadi, vegn ad esser damaun la regla tar il commerzi en detagi. Las leschas ed ordinaziuns correspondentes èn gia preparadas: Ellas duain sfurzar ils chantuns d'avair uras d'avvertura pli lungas, d'introducir per l'entir territori lavur da dumengia e da permetter als affars cun ina surfatscha da main che 120 m² d'avair avert 24 uras a la lunga. Il champ d'applicaziun da la midada da lescha è plinavant formulà en moda pauc exacta, quai ch'avra tut las portas a l'arbitrariadad.

A disfavour da la famiglia e malsanadaivel

Dapli lavur da notg e da dumengia signifitga anc main temp per la famiglia e per amis sco er main temp liber. La dumengia sto vegnir mantegnida sco di liber per sa recrear da la lavur e per activitads cuminaivlas. Plinavant demussan studis medicinals che la lavur da notg fa donn a la sanadad.

Betg fair per il persunal da vendita

En il sectur da vendita lavuran passa 320 000 persunas, 200 000 da quellas èn dunnas. Ellas han gia ussa fadia da metter lavur e famiglia sut in tetg. La lavur da sonda, il temp da lavur dividì e la lavur sin dumonda èn gia oz fitg derasads. E quai per ina paja bassa ch'è savens in toc sut 4000 francs. Ussa duai il persunal da vendita star a disposiziun durant 24 uras. Quai chaschuna dapli stress e cundiziuns da lavur anc pli nau-schas.

Ulteriuras infurmaziuns sin www.sonntagsallianz.ch



Ils arguments dal Cussegl federal

Dal puntg da vista dal Cussegl federal dastga la lavur da notg e da dumengia vegnir admesa mo en moda fitg restrictiva. El n'ignorescha dentant er betg che tschertas midadas en ils conturns professiunals e dal cumporment da consum da la populaziun han chaschunà novs basegns. L'adattaziun minimala da las disposiziuns da la Lescha da lavur per ils negozis da tancadi è pia giustifitgada objec-tivamain. Il Cussegl federal sustegna il project en spezial per ils motivs che suondan:

Il scumond vertent da lavurar la dumengia e la notg è ina part integrala centrala da la protecziun dals lavurants e da princip incontestada ord vista dal Cussegl federal. Las differentas reglas da la Lescha da lavur per vender carburant e per manar cafetarias da tancadi d'ina vart e per manar negozis da tancadi da l'autra vart na sa laschan dentant betg giustifitgar pli ditg. I n'è betg cler pertge ch'il persunal dals tancadis ch'è gia preschent durant la notg per vender carburant e per manar cafetarias na dastga betg vender er rauba dal negozi tranter l'ina e las tschintg la damaun. Ina part da la surfatscha da vendita sto schizunt vegnir serrada giu durant quest temp. Er sch'il negozi po restar avert durant la notg, na dovri pia betg dapli persunal ch'i dovra oz per manar il tancadi di e notg. I na mida er nagut vi da las cundi-ziuns generalas davart la protecziun da las lavurantas e dals lavurants che lavuran la notg (p.ex. limitaziun dal temp da lavur, supplement da paja u da temp).

Betg fundada è la renfatscha che la midada chaschunia damain dumengias libras da lavur: Ils negozis da tancadi sin pausadis d'autostrada e per lung da las vias principalas cun

Reglamentaziun
actuala na
cuntesta betg

Lavur da dumengia
è gia oz permessa

bler traffic da viadi dastgan numnadamaniau que vender
rauba e servetschs la dumengia. Sco fin ussa han las lavur-
rantas ed ils lavurants il dretg da dumengias libras da lavur e
da compensar la lavur prestada la dumengia. La protecziun
dals lavurants è pia garantida.

La tema che cun tegnair avert di e notg ils negozis da tancadi
tschernids svaneschia pass per pass il scumond da lavur
da notg e da dumengia, è exagerada ord vista dal Cussegl
federal. Ils negozis da tancadi sustattattan vinavant al scu-
mond da lavur da notg e da dumengia. Exceptads da quai èn
sco fin ussa mo ils negozis da tancadis sin pausadis d'auto-
strada u per lung da las vias principales cun bler traffic da
viadi. Per las uras d'avertura effectivas èn cumpetents er
vinavant ils chantuns e betg la Confederaziun. Las regula-
ziuns chantunalas na tiran betg a niz dal tuttafatg il rom che
la Lescha da lavur dat. Quest rom vegn engrondì mo mini-
malmain tras la midada da lescha previsa, per ch'i valian per
ils negozis dals tancadis pertutgads las medemas prescrip-
ziuns da lavur sco per vender carburant u per manar ina
cafetaria da tancadi.

Bleras persunas lavuran ozendi fin tard la notg u fitg baud la
damaun, per exemplu polizistas e polizists, emploiauds dal
traffic public u personal da tgira. Ellas vulan cumprar ils arti-
tgels ch'ins survegn en ils negozis da tancadi er tranter l'ina
e las tschintg la damaun. L'amplificaziun minimala da la lavur
da notg correspunda pia ad in basegn en la populaziun ed
è perquai raschunaivel en l'interess da la clientella.

**Per tut queste motivs recumondon il Cussegl federal ed il
parlament d'acceptar la midada da la Lescha da lavur.**

Adattaziun
modesta

En l'interess
da la clientella



Text da votaziun

Lescha federala

davart la lavur en l'industria, en il mastergn ed en il commerzi (Lescha da lavur, LL)

Midada dals 14 da december 2012

L'Assamblea federala da la Confederaziun svizra,

suenter avair gi invista dal rapport da la Cumissiun per economia e taxas dal Cussegli naziunal dals 10 d'october 2011¹

e da la posizion dal Cussegli federal dals 11 da schaner 2012²,
concluda:

I

La Lescha da lavur dals 13 da mars 1964³ vegn midada sco suonda:

Art. 27 al. I^{quater}

¹quater Sin pausadis d'autostrada ed a vias principales cun bler traffic da viadi dastgan vegnir occupads lavurants las dumengias e la notg en negozis da tancadi cun ina purschida da rauba e da servetschs che sa drizza en emprima lingua als basegns dals viagiaturi.

II

¹ Questa lescha è suttamessa al referendum facultativ.

² Il Cussegli federal fixescha l'entrada en vigur.

¹ Fegl uffizial federal **2011** 8981

² Fegl uffizial federal **2012** 437

³ CS **822.11**

PP
Spediziun postala

Trametter enavos a la controlla
d'abitants da la vischnanca

**Recumandaziun
a las votantas ed als votants**

Il Cussegli federal ed il parlament
recumondan a las votantas ed als
votants da votar ils 22 da settember 2013
sco suonda:

- Na a l'iniziativa
«Gea a l'abolizun dal servetsch
militar obligatoric»
- Gea a la Lescha d'epidemias
- Gea a la midada da la Lescha da lavur

Fin da redacziun:
14 da zercladur 2013

Ulteriuras infurmaziuns sin
www.admin.ch
www.parlament.ch
www.ch.ch